



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Monialibvs Parrasii Cisterciensis ordinis.

urn:nbn:de:hbz:466:1-20020

*NOBILI VIRO ROBERTO
de Malovicino, matri & uxori ejus.*

*Epiſt. 133.
Ejusdem argu-
menti cum e-
pitola 130.*

Sicut agnouere sedes apostolica piis votis & honestis petentium precibus favorem benivolum impetrari. Eapropter, dilecti in Domino filii, vestris justis petitionibus annuentes, eleemosynas piis locis à vobis caritativè collatas, sicut eas loca eadem justè possident & quietè, ipsis auctoritate apostolica confirmamus & praesentis scripti patrocinio communimus. Nulli ergo omnino hominum licet hanc paginam nostræ confirmationis &c. usque incursum. Datum Laterani v. Idus Novembris, pontificatus nostri anno duodecimo.

*MONIALIBVS PARRASII
Cisterciensis ordinis.*

*Epiſt. 134.
Ejusdem argu-
menti.*

Iustis petentium desideriis dignum est facilem nos præbere assensum, & vota quæ à rationis tramite non discordant effectu prosequente complere. Eapropter, dilecta in Christo filia, vestris justis petitionibus annuentes, eleemosynas quas nobilis vir Robertus de Malovicino & mater ipsius vobis pietatis intuitu contulerunt, & alia bona Ecclesiæ vestræ, sicut ea justè ac pacificè possidentis, vobis & per vos eidem Ecclesiæ auctoritate apostolica confirmamus & praesentis scripti patrocinio communimus. Nulli ergo &c. hanc paginam nostræ concessionis infringere &c. usque incursum. Datum ut in alia.

*GALTERO PRESBYTERO
Ecclesie de Corberon.*

*Epiſt. 135.
De codem ar-
gumento.*

Cum à nobis petitur quod justum est & honestum, tam vigor æquitatis quam ordo exigit rationis ut id per sollicitudinem officij nostri ad debitum perducatur effectum. Eapropter, dilecta in Domino filii, tuis justis petitionibus annuentes, eleemosynas à nobili viro Roberto de Malovicino tibi pietatis obtenui collatas & alia bona Ecclesiæ tuæ, sicut ea justè possides & quietè, auctoritate apostolica confirmamus & praesentis scripti patrocinio communimus. Nulli ergo &c. hanc paginam nostræ &c. usque incursum. Datum ut in alia.

*ARELATENSI ARCHIEPISCOPO
& suffraganeis ejus.*

*Epiſt. 136.
De negotio
haereticorum.*

Gloriantes haec tenus in malitia & in sua iniuritate potentes destruere tandem incipiens manus Dei, miraculosè

jam fecit eos de suis tabernaculis emigrare, dum eo terram populi sui misericorditer emundante, pestis haereticæ pravitatis, quæ serpens ut cancer Provinciam penè totam infecerat, mortificata depellitur, captisque in potentissima manu sua numerosis castris & civitatibus quas per possessos à se diabolus habitabat, in locis expulsorum haereticorum spiritui paraclito per repletos ab ipso sanctum habitaculum præparatur. Super quo laudes & gratias omnipotenti referimus, quod in una eademque misericordia suæ causa duo dignatus est justitiae opera exercere, ita perfidis faciendo dignam superuenire perniciem ut quamnulli fideles meritam assequerentur ex ipsoforum exterminatione mercedem, cum etsi eos in solo spiritu oris sui potuissent quandocunque conterere, suorum tamen exercitui signatorum in illorum contritione dignatus sit salutis causam immo salvationis occasionem præbère; quo nuper sub nostrorum magisterio Legatorum de ipsis mirabiliter triumphante, dilectus filius nobilis vir Simon de Monteforti, vir utique strenuus & catholicus, terris a quibus illi depulsi sunt provida est delibera-tione præfæctus, ut per prudentiam ejus in his quæ gesta sunt vel gerenda negotium pacis & fidei possit ibidem efficacius promoveri. Quia igitur, etsi tanta pietatis initia prosperè huc usque processerint, fine tamen non sunt adhuc necessario solidata, fraternitatem vestram rogandam duximus attentiùs & monendam, per apostolica vobis scripta præcipiendo mandantes quatinus apud subditos vestros studio sedulae prædicationis & exhortationis intentis ut ad reliquias hujus pestis penitus extirpandas, cùm ad similitudinem hydræ, quæ locupletior fertur fieri damno capitum, gravius possent, si neglectæ fuerint, reviviscere, tam per se quam per sua obsequium Deo devotum & auxilium Ecclesiæ opportunum impendant, scientes remissionem peccaminum à Deo ejusque Vicario universis indultam qui orthodoxe fidei zelo succensi se ad opus accinxerint hujusmodi pietatis, ut eis labor tam sanctus ad operis satisfactionem sufficiat super illis offensis pro quibus cordis contritionem & oris confessionem veram obtulerint vero Deo. Cùm autem pro fraterna defensione pugnantes à fraternis deceat injuriis expediri, volumus & mandamus ut si qui nobilium, Clericorum, seu etiam laicorum contra pestilentes hujusmodi procedentium ad præstandas usuras juramento tenentur